

沈乃文 主編

明別集叢刊 第三輯

第八冊

黃山書社





国家出版基金项目
NATIONAL PUBLISHING FUND PROJECT


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第三輯

第八冊

黃山書社



(明)陳公綸 撰

白雲樓摘集四十卷

明萬曆五至六年真賞齋刻本

白雲樓詩集序

士有由衷之好必悉心力而為之以求快於其心即人之知不知與世俗之好尚與否皆不能沮而撓焉而後其業精而可傳也庠友陳古臺子早負異質治舉子業燁然著聲試有司每收高等人咸以科第目之乃古臺

白雲樓詩集序

子獨好於為詩雖其晝夜鑽研冥搜遠討於古無所不窺而皆以資於為詩其好之酷也凡夷猶郊野携朋命酌或倚檻臨流感時對物吟諷未嘗少廢得句則酣嬉顛倒懽呼笑適以為常積而至于千百其篇可謂富矣觀其詩意象超越音奏淒清無復

白雲樓詩集序

嫵媚粉澤之習觸物侮世之態殆灑然自立於塵壒情累之表誠可愛玩而咏嘆之非好出由衷悉心力而為之者其能然乎昔唐以詩賦取士士由之發身今制士不由舉子業則不得售主司之選雖工於詩賦世亦莫之賞也文帝於李廣嘗惜其生不遇時豈古臺子之謂哉然古臺子方揚揚稱得意視儕輩由舉子業取科第若漠然無有未嘗因而少摧其意而好益酷其詩益工一日持其稿詣余再拜請曰公綸平生志業在此先生所知者幸為我評之余讀其詩卒編乃謂曰嗟夫世之得意仕路顯融尊

貴者比比皆是至求所著作可合於
古而傳者百不一二矧舉子業為博
聲利之媒入仕後不啻芻狗棄之矣
吾子背所習而又悉心力以為之也
無乃見及此乎古臺子咲而不答遂
以余言弁諸其首

萬曆戊寅秋日

白雲樓詩集序

三

賜進士及第南京禮部尚書前兩京
祭酒學士管理

誥勅會典國史纂修官華峰秦鳴雷
書



白雲樓詩集序

詩之於學者其亦鐘鼎之於器而
蓮芡之於食與古者歌於宗廟朝
廷則擇能言之士使為之而其不
以付者未嘗以為不能國家不以
取士則與閭巷田野之羈人梟婦
行旅之作共為聊抒其鬱遏而無
當於材不材之間若是則謂其為
鐘鼎蓮芡彼利器取飽者所不必
具亦其宜也然世顧有好之者不
憚嘔心裂肝以爭一字之奇甚或
如科舉之可以收聲獵名至大官
富貴者視如飄風浮雲曾不介意
而獨於詩之工否尺磨度琢竭一

白雲樓詩集序

生之力而不辭也則何居哉嗜之多而作者相繼於是有聲於世者始為格律以立號於其間如制兵之部曲典樂之節奏森嚴藏棄相守而不敢異雖其構局布武見為繩飭然以視詩之初所謂鏡象水月以喻叙幽寄者亦索然遠矣雖

白雲樓詩集序

二

然風木相遭風之緩急則韻自別水石相搏水之塞滑則響自殊人情畜於心而隘於咽者有延促向背舒慘之異則協境殊調格律錯出其亦出於聲之自然而士欲以此名世而傳後則亦豈能盡委之而自伸其一家之言哉至於律格

具以成詠、以成風則占國驗人者往々以此為興亡壽夭之卜故聲律之設亦作家之大齊也惟夫拘牽之士意困思滯而無以自達取於物者又不足以命奇則格律始為之桎梏如釋步須杖形具而神朽嗟乎守格律而不化棄格律

白雲樓詩集序

三

而不軌余嘗求海內詞林二失胥病有方之士其孰與言天籟之玄邪乃茲余得同邑玉室陳子陳子蚤歲意度竣簡學業舉子已翹然出諸生之上顧其奇氣逸標不能自抑乃棄去別築室於白雲之麓杜門綜博以發於詩其多至若干

卷余宦還卧龍陽山中陳子持而
詣余曰願得先生弁之一言夫陳
子之作先以格律定準律選詩吟
一不詭於古人久之洽而暢熟而
忘然後跌宕自命率以意匠翻描
風物陶寫喜怒信手所到既不期
合於古人卒未嘗不式程焉而其
風神壯逸以不窮為奇則其自悟
解也韓白之將時或棄部曲而以
捷徑敝騎勝師曠之聽涉於風氣
而不在絲竹余謂陳子之於詩也
其無訾於是邪吾台之詩盛於今
日而陳子乃獨凌厲群品苦而後
工又余獨能知其所以工故為道

白雲樓詩集序

四

白雲樓詩集序

五

其初而序之觀者其以是求焉時
萬曆六年歲在戊寅秋九月吉櫻
寧居士王宗沐書于龍陽山中



白雲樓摘古目錄

天台玉室道人陳公綸次經父

五言古體

第一卷

寧瑕集二十五首

楞全集十八首

第二卷

承蜩集二十五首

滄粟集十六首

第三卷

餘霞集十七首

懷古集二十四首

第四卷

紉蘭集二十首

天慵集十九首

通計一伯六十四首

萬曆歲在丁丑仲春真賞齋摘刻

白雲樓摘古目錄

白雲樓摘古

類詩乙集一

天台玉室道人

寧瑕集五言古體二十五首

擬次阮嗣宗詠懷十七首

寒宵耿不寐開軒理素琴出戶望明月清霜露
短衿重岡匿澄景孤煙蔽遙林鴻鴈流哀響悽
然動我心

其二

江臯生杜若西風鴈來翔晨霜木未萎灼灼吐
寒芳清猷阻疇昔千里念不忘踟躕感素節永

白雲樓摘古

夕九迴腸攬衣復起坐延佇臨曲房雖無橫笛
弄所思在山陽妍華歲將歇能不重煩傷

其三

昔日遊南園春風笑桃李豈不戀繁華炎蒸尋
復始衰謝迎飛霜不如樹梓杞匠石詎相求空
山沒遺趾置身曾岬嶺誰爲獻天子物理安可
推歎息何能已

其四

清晨登海嶠引領望首陽玄雲渺何許落日曜
餘光人世屢代謝卉木零寒霜獨有山中薇千

載猶含芳結心擬長徃行露濡我裳願逐北歸
鴈間關將遠翔若人儼未逝夢寐詎相忘

其五

車馬何閑閑白日長安道顏光迅飄蓬芳華豈
長保朝雨泣繁蘭夕煙栖蔓艸願盼青樓人顏
色忽衰老寄言諸貴遊勿戀金貂好

其六

中歲謝塵莽寢跡寄巖阿梧桐結高蔭鳳鳥何
時過棲遲歲云暮行樂苦未多迢迢向良夜牛
女隔天河佳期寧易得翹首空咨嗟

皇樓摘

其七

深夜星漸稀孤燈照空帷涼氣襲庭樹蟋蟀鳴
何悲芙蓉已摧折采采將遺誰賴有歲寒節芳
菊媚朝暉相知隔萬里携手會同歸

其八

歷歷空山道漫漫長夜歌高松女蘿繫中庭鳥
雀過志士營遠業歲月易蹉跎太行懸紫極崑
崙接黃河驅車行復至勿憂岐路多日夕西北
望浮雲當柰何

其九

結髮好遠遊十九常在外鷹隼摩天雲山河申
礪帶奇策亦何施人生在良會功多竟危身名
高或罹害江湖縉弋多黃鵠將焉賴

其十

終夜撫角枕夢經南陽岑中有避世士抱膝向
幽林忼慨憶梁甫哀吟淚霑襟長風動蕭颯白
日忽以陰孤憤感異氣萬籟各商音既覺不復
寐鳴琴陶我心

其十一

交游盛良友同歌伐木詩壯年惜離別青雲結
皇樓摘

遠期臨觴不能飲思明月入我戶今
夕復何時命駕千里從所之願存金石
志毋為薄俗嗤

其十二

鬱鬱薊門樹北眺限河梁日暮浮雲合卅闕隱
微茫猛獸踞中路鴻鴈畏高翔美人重我念晨
夕勞相望豈不能獨徃短褐被繁霜恍惚見夢
寐展轉徒內傷風雲若飄忽會合寧有常寸心
差足慰寄訊在瑤章

其十三

芳華安久據長晝陰忽移盛歲易遲暮遠道何
逶迤越鳥望林止胡馬隨風馳小大各有企冀
情祇自知咫尺心難合何況遠別離

其十四

深秋木葉下高岡獨振衣遠水鴈不度寒莎蛩
相依達人恒委化節士抱長饑歌聲裂金石山
水能忘歸五鼎亦偶爾飯牛焉足悲坐傷芳艸
歇目送孤雲飛啾啾戀群鳥日夕猶未歸

其十五

朝出城東門送別遠行者垂楊江上亭蕭蕭感
白雲樓壘

鳴馬長路多風塵落日迷廣野揮杯申徃情執
手淚俱下鄙心託素絃綢繆願爲寫

其十六

古人不復作大雅垂始音風流銷歇久羅綺俱
雲沉未習背真性徃帙誠驕淫翡翠憂密網麋
鹿思長林俛仰寡儔侶脉脉千載心

其十七

遲遲春日麗江上多芳林結駟冶遊子徃來何
駸駸柔枝拂長袖黃鳥弄春心獨有羈懷客仰
望淚淫淫神僊亦可學方壺亦可尋搔首縈積

抱弱質懼難禁

白馬篇

白馬紫絲韁驕嘶向洛陽春風吹綺陌蹀躞落
花香脫身狹斜子繫籍羽林郎玉具接彫虎珠
丸墜飛鶴指顧不停聆輕捷如龍翔昔過長安
俠新狎邯鄲倡千金祇一擲四坐自生光日暮
黃雲起烽火明邊疆結騎出長樂並驅度朔方
生擒呼延將手斬樓蘭王凱歌報明主重上萬
壽觴封侯詎足貴母忝在戎行

步出城東門

白雲樓壘

步出城東門歷歷度荒村野艸霜半折溪流寒
不渾白煙塞古道落日號孤猿顧視昔人塚壘
壘多高原塚上無短碣老木根尚存躊躇空嘆
息無人識子孫生時不樹德徒快飽與溫終爲
冥冥客獨嘯空山魂吁嗟世上人明規慎勿謾
良圖在不朽富貴何足言

門有車馬客

門有車馬客云從萬里歸鬢髮驚忽改塵土
行衣相見問勞苦淚落不可揮始言世
歎人情非作客歲屢易所願終復違

里萬死徒歔歔親友半彫落妻子受長飢天意
竟未測且卧江上扉呼兒沽美酒對酌情依依
杯傾日已暮仰羨鴻鴈飛

江南曲

江南多白蘋春水渺無津日落汀洲樹獨行不
見人鴛鴦照虛影蕩漾難相親鯉魚沉水底舍
情誰復陳昔別花成錦今來艸似茵莫言江南
好愁殺江南春

美女篇

美女都且妍少小出幽燕清歌集寶騎妙舞歷

白雲樓

六

瓊筵流眄曜光彩相逢誰不憐命意青瑤佩傳
情白雪篇潔身事君子百年無棄捐詎云妾薄
命中道垂听天玉臺閨夜月香閣埋晨煙坐傷
顏色暮羞對芳樹鮮芳樹有時悴妾心無復遷
流光等飛電頽齡同逝川每惜舊時寵中夜鳴
商絃

游俠篇

宿昔好游俠過從五陵中酣歌擊寶劍義氣生
悲風折節事弓馬奮身誓從戎風塵出鵬隼大
漢收英雉朝擒漠北將暮受江南封天子賜顏

色入奏明光宮回視流俗輩曲謹皆九庸何必
守章句攝衣稱固窮

班婕妤

婕妤辭漢輦屆節念恩光月華凝玉陛風葉下
銀床愁將舊紈扇獨掩曉幃霜商歌聲未歇思
續栢梁章

銅雀伎

高臺懸極眺苑樹隱清川長袖垂珠箔繁絲斷
綺筵行雲空結態落日詎能延西陵無朽骨紅
淚不及泉

白雲樓

七

樗全集五言古體十八首

擬次張景陽雜詩十首

水風揚夕波月照光不濁孤坐澄素心中宵依
短燭縱橫古人書恃以慰幽獨同襟邈丰容清
霜表古木忽念江南春延緣芳杜綠展轉天涯
思被褐卧空屋采采將遠遺援琴寫衷曲

其二

整駕念遠游風塵阻川陸白日匿西林徙坐娛
脩竹煙暝江外山露棲階下菊歲杪淑氣迴天
寒群卉肅芳蕤懷舊榮江梅吐清馥容與俯前

楹浮雲迷遠目延佇同心人歲寒聊共勗

其三

結交枉時彦促膝訂前期中路懼歎側物態悲
染絲良時屢遷易蔓艸秋露滋顏光委迴磴索
苦煩羈思席門敞清晝繁苔淹履綦傾盃意莫
逆久要成德基咄嗟二三子秉行勿趨時

其四

清流羅石門白雲亘長谷極眺驚遐心及逕傷
馬足虛簷抗遠空孤岫冠蘿木日暮動悲風霜
繁葉似束百憂萃孤身坐悵時運促行藏決未

皇樓摘

能擬就君平卜

其五

宿昔寡遠籌寄身滯東越坎壈入窮年世慮改
華髮安漢願已違却秦策空設郢歌無知音偃
仰空山月沉憂憶美人天末成曠別調笑戀芳
時參商踰令節佳期自昔難宴居在明察

其六

鵠舉暮空迴龍蟠寒水深巢居絕幽磻枉策寡
追尋返照舍複嶺層煙翳荒林鳥散群籟寂薄
暝青猿吟尚耽飲流志猶銳抱璞心投足昧

適夙駕戒危岑九折木爲險平陸藏嵒崿驅馳
繫長願萬里始自今

其七

崇丘紆曲步引眺向層城藹藹陰氣集遙心統
飛旌樹隱橫江綠鴻流極塞聲志士厲遠策陳
慨念長征腰鳴玉具劍緣邊歷障亭燕領騁絕
域間關慕請纓致身術非一白首咄窮經荀卿
嘗學武子房喜談兵時事難預計何必戀欄楹
風雲祗偶合永垂竹素名

其八

皇樓摘

世網脫羈束娛心水石間憤俗在好直忤人恒
惡圓簪纓不被體卒歲守廬園激流緣曲澗藉
艸面南山鴻鴈度溟渤晨夕懷幽燕群物各有
戀感節徒悽然

其九

行經綠篠逕坐憩蒼梧陰遠水日澄色空谷雲
增深橫笛起回淑栖翮喧層岑陰風儵以至江
雨驟疑霖撫檻輟遐矚登閣快清吟徘徊襟袖
濕寒葉動蕭森欹壁垂晚靄懸澗奏琴音投暗
率縈抱寡念易處心升高感龍逝窺深媿淵

出處稟玄默清醕對芳林

其十

高會傾貂貴芳筵雜中庭雄談壓廣座新聲辨
繡屏嘉穀積崇岳瑤卮挹重溟既醉紛揖讓起
坐祝千齡雖殫人世樂歎息非故情抗顏薄軒
蓋飲水羞金莖幽芳展輕綺園禽流春聲習修
竟隳德班荆貴忘形玄言發蘭蕙清詩枉琳琅
永懷同介石夕惕期松貞久厲原思恥方辭季
布名迂尉亦鮮淺結襪重王生

中夜歎

自雲樓摘

十

十

騏驥志千里鯤鵬知滄溟仰首路曲折悅身波
濤傾偪仄傷意氣中夜胡自寧撫枕忽歎息無
人測中情鷄鳴思整駕踟躕戒未明嚴霜肅艸
木浙浙悲風鳴小星下濁水孤影涵空庭披衣
獨延佇晨鳥起高城

征婦怨

君作萬里遊妾抱萬里愁君行會當至妾心何
時休青樓昨夜夢從君到隴頭隴水聲嗚咽妾
淚隨水流回頭忽不見片月玉關秋

月下懷

寒月吐高城淒淒似積雪樹影及初迷遙峰橫
乍滅忽聞隣笛聲因念故人別坐待芳歲零尺
書久亦絕對酒慰我懷愁深不忍發人生會面
難何況屆嘉節嘉節不復來遙心空欲結將安
寄所思隴梅寒可折

登後岡眺江上作

緩步迂崇岡高松下層影引隅逞遐心曠望際
澄景大江自東來中流束孤嶺煙銷岬岩移鷗
逝浪初靜暮色趣迴蓬返照斂萬井傍林風葉
鳴夕露侵衣冷塵囂徒泥人默坐意有省長嘯

自雲樓摘

十一

下山遲明發問箕顙

渡川西尋龍潭山寺

理戢始涉江挹策復西驚沿洄環城流窅窅經
林路荒微明春暘野渚翳晨霧峰連蔽遐窺石
梁妨直步望寺釋冥心依門快真悟因詮白業
宗輒起青蓮慕階鵲响夕風潭龍佇時澍木客
賡樵吟村毗試農務已愜臨流情更展登高賦
握手憶道林跂足望玄度孤懷絕詎追芳跡倏
非故即期謝囂煩就此但高卧

首春山栖集諸客

首春入舊林晨風發陽竅水澗落清音雪塢流
素耀同襟欣復來虛亭共舒嘯王粲既美才吳
質亦殊調抱璞各不售拂衣事遊睡尊傾遣煩
憂縱言啓微妙千峰繞寒城遠水引飛棹群芳
漸日肥翺翔供弋釣結心量易酬末俗事安料
忽聞栖鳥鳴落日隱西嶠昏煙巖際開江月復
來照清歡符自然勞生晒荷蓀

芳樹曲

芳樹含芳姿窈窕媚房曲綺日暎丹櫳香颺歌
碧玉鶯嚶露未晞鳳下煙初沐凝眸歲復殘轉

白雲樓摘古

十一

念流光速

蛾眉嘆

青閨有蛾眉攬鏡嘆芳時春風不相待空留鬢
絲在鬢絲壓寶釵照影亦妍華顏色雖非故猶
能工織素織素日成端堪持禦歲寒寄言謝君
子論功勿論盛

白雲樓摘古

白雲樓摘古

類詩乙集二

天台玉室道人

承鯛集 五言古體二十五首

擬陶飲酒二十首

余索居不怡值秋風初厲時有家醞
向夕輒飲用慰懷抱每每至醉醉必
浩歌遂及陶詩漫擬飲酒諸篇盡依
其韻屬友生錄之聊以自娛云爾

其一

偃蹇違世緣飭駕將安之清風翼庭柯值此涼
秋時皎月窺我席電觴復在茲人生貴適意獨
飲更何疑壺傾兀然醉稚子欣相持

白雲樓摘古

十一

二

其二

負疴眷虛室日夕望南山守靜以俟命古人重
斯言天運杳難測歲晚懷盛年及今不爲樂虛
名徒復傳

其三

舉俗競榮利氓馬喪我情撫已得內照在物皆
浮名緬彼達觀士每每樂其生有酒陶所性了
無外至驚靈光永自固神全道亦成

其四

獨倚衡門策遠睇孤雲飛夜光忽映壁蟋蟀聲
何悲感節自夷猶顧影情依依揮杯接歡話久
客如始歸移床側高蔭榮木欣未衰一醉意已
足百年願無違

其五

白日倏西匿群動截其喧屏居甘獨賤呵守一
何偏投策昧前路偃息在丘山落葉永辭幹逝
川不復還幸勿損志意丁寧遺醉言

其六

遠宦計無成高謝意良是耿介誠自娛遺榮諒
無毀偶值涼天時嘯咏聊復爾濁酒繼清歡被
褐代紉綺

其七

澄江波浩渺巖際雲英英處物苟無忤超然諧
中情慮遣境逾寂酒至心亦傾涼風起薄暮傍
林栖鳥鳴敢忘當世念暫此悅平生

其八

寄傲在林壑嘗懷綺皓姿孤松挺貞性寒菊無
柔枝感物意不磷潔身恒好奇對酒徒抱歎栖

栖歆何爲高步自遺世飄飄脫塵羈

其九

莽莽厭塵垢荆扉常罕開素抱鬱未暢時事徒
傷懷衰榮兩無據勿望運長垂初志良易尋琴
書塞幽栖枉尺殊芳軌處晦且蟠泥執志不復
舍所如會有諧坦坦就其正行行途豈迷千里
一頃刻逸駕誰能回

其十

不惑稀外慕寢迹江城隅躬耕力匪任遐觀滯
脩塗歷落情無競秉戒忘前驅縱身一蹉跌浮
榮止其餘中酒申徃志淹留恥懷居

其十一

逸名誠匪迂沈酣固有道委心返自然喪真祇
易老和澤無停機涼新木漸槁灼灼霜前花徒
逞一時好所以千載人養心以爲寶覺悟念當
先舉舉萬物表

其十二

四運轉秋序群生戀芳時參差北征燕臨風慨
遠辭開尊懷物遇怡顏賴有茲埋光嗇壽命高
抗世共疑福咎互倚伏遺言良不欺巾車肆遊